

جَزَائِرَ مَحَاكِمَ

جمعه ایرتسی

نومرو	رمضان	سنه	شباط	سنه	محیفة
۸۶۴	۲۲	۱۳۱۳	۲۴	۱۳۱۱	۱۲۱۴۱

(اشبو غزته بهر هفته جمعه ایرتسی کونلری چیقار . سنه لکی درسعات ایچون مجیدیه یکریمی فروش)
 (حسابیله التمش فروشدر . طشره لر ایچون اون بش فروش پوسته اجرتی ضم اولتور . بهر)
 (نسخہ سی ینہ مجیدیه یکریمی فروش اولقی اوزره یوزپاره یه هر یرده صاتیلور . درج اولنه جقی)
 (اعلاناتک هر برندن بر مجیدیه اخذ اولتور . سنه لکنه مشتری اولقی استیانلر عدلیه نظارتی)
 (دائره سنده کائن جریده محاکم اداره سنه مراجعت ایلیلدر)

اولش اولدیغه بناء " اون سکرنجی سنه یعنی
 اوچیوز اون ایکی سنه سنده دخی جریده نک
 دوام ارسالی ومطالعه سنی ارزو ایدنلرک بروجہ
 سابق بر سنه لک اوبونمان بدلی جریده محاکم
 اداره سنه پشیناً ایفا ایلملری اقتضا ایدہ جکی
 اخطار واعلان اولتور .

قسمت سی

اخطار مخصوص

جریده محاکمک اون یدنجی سنه سی اشبو
 نسخہ ایله رسیدہ حسن ختام بولش واوچیوز
 اونبر سنه سی ابونہ لرینک مدتی دخی منقضیه

تعمیق مفاهیمند ا کلاشلیغنه نظرأ موافق حال
 وقانون اولوب متأنف بهك دعواى مقابله استینافیه سی
 دخی غیر وارد اولدیغنه بناء هر ایکی دعواى
 استینافیه نك ردیله اعلام مستأنف بهك تصدیقه
 حکمدن ومستدعی تمیز وکیلی کیغورق افندیك
 اشبو حکم علیهنده کی اعتراضاتك باشلوجیه سی
 بومثللو بیع وشرایه متعلق خصوصانده مجله نك
 ایکی یوز التمش ایکنجی ماده سی موجبجه ایفای
 معامله اولق لازم کلور ایکن بوجهتك نظر دفته
 النیه رق موکلینك ضرر و زیان ایله محکومیتی
 طرفنه کیدلسی مغایر قانون اولدیغندن بجنله
 اعلامك نقضی ومدعی علیه وکیلنك نتیجه
 جوابی دخی اعتراضات واقعه نك واهی و بی
 اساس اولدیغی بیانیله ردی وموافق اصول وقانون
 اولان اعلامك تصدیقی استدعاسندن عبارت
 بولمشد.

ایجابی مذاکره اولندقه اعلام مذکور
 مندرجاتدن منضم اولدیغنه کوره درجه اولی
 محکمه سنده دعوی اولسان مقدارك بش بیک
 غروشی متجاوز بولمسنه کوره قابل استیناف
 اوله رق دعواى واقعه نك اعاده محاکمه طریقیله
 بدایه رؤیت اوله میهنی درکار اولسیله استینافاً

قلنان اعاده محاکمه استدعاسنده در میان اولنان
 اعتراضاتك اعاده محاکمه موجب اسباب
 قانونیه دن اولسنه منی ردی حکمی حاوی
 محکمه مذکوره دن صادر اولان اعلام علیهنده
 طرفیندن متقابلاً وقوعبولان استیناف دعوا سی
 اوزرینه محکمه استیناف تجارت قسمجه اجرا
 قلنان محاکمه و تدقیقات نتیجه سنده بدایه لاحق
 اولان حکم واعلامك خلاصه مندرجاتی مستأنف
 حمید اغا طرفندن ویریلان اعاده محاکمه استدعا
 سنك ردیندن عبارت اولدیغنه و دعواى
 واقعه نك بش بیک غروشدن متجاوز و قابل
 استیناف اولمقدنشای اصول محاکمه حقوقیه
 قانوننك ایکوز برنجی ماده سنك مفهوم مخالفی
 ایجابجه قابل اعاده اولدیغی درکار وبناء علیه
 اعلام مستأنف بهك نتیجه حکمی ماده مذکوره
 حکمه موافق اولدیغی ظاهر و بدیدار بولندیندن
 بوجهته دعواى اصلیه استینافیه ودور بولندینی
 کی اعلام مذکورك نتیجه حکمی مستأنف علیه
 ارتین اغانك لهنده اولدیغنه وجای اعتراض
 اولان ومودوع بش یوز غروشك کاملاً مستأنفه
 اعاده سنی متضمن بولسان جهتی ضرر و زیان
 وقوعی ثابت اولماسیله قانون مذکورك ایکوز
 اونجی و ایکوز اون اوچنجی ماده لرینك

دعوانك رؤیت وفصلی اولسنی مقتضی اولدیغی
 حالده بوصورت نظر اعتباره المنقسمین اعاده
 محاکمه اوزرینه ویریلان اعلام ابتدائینك تصدیقی
 اولسنی قانونه مغایر اولدیغنه بناء اصول
 محاکمه حقوقیه قانوننك ایکوز فرق برنجی
 ماده سی موجبجه اعلام مذکورك نقضه و ایکوز
 فرق دردنجی ماده سی حکمه توفیقاً کیفینك
 یکیدن اعلامه ربطی ضمننده قسم مذکوره
 اعاده سنه وزیرده مفرداتی محرر درتیوز یکرمی
 درت یحق غروش مصارف تمیزیه نك ایلروده
 حقسز چقه جق طرفه رجوع ایتمك اوزره
 اول امرده مستدعی تمیز عبدالحمید اغادن النسمه
 ۷ اغستوس سنه ۳۱۱ تاریخده متفقاً قرار
 ویریله رك تفهیم قلندی .

اعلام مذکورك خلاصه مآلی مرقوم
 عبدالرحمن اغانك برقطمه سند موجبجه حسین
 اغادن التقی اوزره مزبور وهیب افندی طرفندن
 کندوسنه حواله ایدیلان ایکی بیک غروشك اخذینه
 موفق اوله مدینندن بجنله مومی الیه وهیب
 افندین تحصیلنی طلب ودعوی ومذکور سندی
 ابراز واعطا ایتمی ولوجل المحاکمه وقوعبولان
 دعوتیه مدعی علیه مزبور وهیب افندیك اجابت
 ایتماسی اوزرینه محافظه حقوقی ضمننده محکمه جه
 بر وکیل مسخر تعیین قلندقدنصکره جریان ایدن
 محاکمات و تدقیقات نتیجه سنده اعتراض علی
 الحکم وقوعنده اثبات مدعا ایدلک اوزره مبلغ
 مذکورك مع فائض مزبور وهیب افندیدن
 تحصیلنه حکمدن ومستدعی تمیز وهیب افندیك
 اشبو حکم علیهنده لایحه سنده محرر اعتراضاتك
 خلاصه سی مستند حکم اولان سنك اول امرده

کره بنه بدایت محکمه سندن ۱۰ تشرین ثانی
 سنه ۳۰۷ تاریخی واللی عددی ایله ویریلان
 اعلامك تمیزی استدعا ایدن کره بنه
 قصبه سنده ساکن ارزاق متعهد سابق وهیب

حسین اغایه دایتن طرفندن ارانه اولوب قبول
وعدم قبولنه داتر زیرینه اشارت ایتدیرملک ایجاب
ایدر ایکن بوبولده برکونه معاملله اولتمقسنزین
خود بخود عدم قبولندن بختله کندوسنک محکوم
ایدلسی یولسز ومغایر قانون اولدیغندن بختله
اعلامک تقضی استداسندن ومدعی علیه عبدالر-
حن اغانک لایحه سنده مندرج نتیجه اجوبه سی
دخی اعتراضات مسروده نک وهی وبی اساس
اولدینی بیانیله ردی موافق اصول وقانون اولان
اعلامک تصدیقی طلبندن عبارت بولنشددر .

ایجابی مذاکره اولدوقده اعلام مذکور
مطالعه سندن منقهم اولدینی اوزره مزبور وهیب
افدینک عدم اجابی اوزرینه محافظه حقوقی
ضمننده محکمه جه بر وکیل مسخر تعیین قلمش
ایسهده وکیل مزبور مواجهه سنده مدعینک
دعوی وینه سنک اصولی دائره سنده استماعیله
مقارن صحت اولدینی تقدیرده بعدالثوت حکم
اولتمق مجله نک بیک سکیز یوز اوتوز دردنجی
ماده سی اقتضاسندن اولدینی حالده محکمه جه
بوراسی نظر دفته التمسزین اعتراض علی الحکم
وقوعنه اثباته تعلیق ایدلسی یولسز ومغایر قانون
اولدیغنه ومستدعی وهیب افدینک اعتراضی

دخی شایان قبول بولدیغنه بناء اصول محاکمه
حقوقیه قانوننک ایکوز اوتوز ایکنجی ماده سی
موجبجه اعلام مذکورک نقضیه قانون مذکورک
ایکوز قرق دردنجی ماده سی حکمنه توفیقاً
کیفیتک صور محرره دائره سنده بالرؤیه اعلامه
ربطی ضمننده محکمه مذکوریه اعاده سنده
وزبرده مفرداتی مرقم اوچوز یتش درت بچق
غروش مسارف تمیزیه نک ایلروده حقسز چقچه
جق طرفه رجوع ایتک اوزره اول امرده
مستدعی وهیب افدینک التمسنه ۱۲ مارت
سنه ۳۱۰ تاریخنده متفقاً قرار ویرلدی .



نیکده بدایت محکمه سندن ۹ جزیران
سنه ۳۰۹ تاریخنی واون عددی ایله وبریلان
اعلامک تمیزینی استدعا ایدن نیکده قصبه سنده
مقیم سلیمان بک زاده محمد روشن وقصبه مذکور-
رهیه تابع فرنک قریه سنده مقیم جان اوغلی حسن
ایله مدعی علیها قریه مزبوره اهالی سندن پنبه
قادرین یوم معینده دائرهیه کمد کارندن اصول

محاکمه حقوقیه قانون موقتک ایکوز یکرمی
طقوزنجی ماده سی موجبجه تدقیقات تمیزیه
اجراسنه ایتدار اولندی .

اعلام مذکورک خلاصه مالی فرنک
قریه سنده کائن براب دکرمنک اون ایکی سهم
اعتباریله الی سهمی مزبوره بنیه قادینک تحت
تصرفنده اولدینی کبی اوچ سهم حصه سی دخی
دخی مزبور روشن افندی وحسندن شراء
تفرغ ایلدیکی تحقیق ایتسنه بناء دکرمن مذکورک
طقوز سهم حصه سنده مرقومان روشن افندی
وحسن طرفلرندن وقوعبولان مداخله نک منعیله
یوز اوتوز بش غروش بدل ایجارک مزبور
روشن افدینک تحصیلنه داتر محکمه مذکورهدن
صادر اولان اعلام غیابی علیهنده مرقومان
روشن افندی وحسن طرفلرندن اعتراض علی-
الحکم عرضحالی اعطا قلمسی اوزرینه تعیین
قلنان کونده معترضلردن یالکیز روشن افندی
کلوب دیگر معترض حسن اجابت ایتدیکنندن
غیابنده وکیل مسخر تعیینیه بر درجهیه قدر
محاکمه لازمه اجرا قلوب اخیراً اکال محاکمه
ضمننده اوچوز طقوز سنه سی مایسنک یکرمی
التنجی کونه تعیین قلندینی حالده معترض مومی

ایله روشن افندی یوم مذکورده کلامش اولده
یفندن ذکر اولنان اعتراض استداسنک ردینه
حکمدن ومستدعی تمیزلرک اشبو اعلام علیهنده
لایحه لرنده محرر باشلوجه اعتراضاتی محاکمه
وجاهیه اجراسیچون اصولی دائره سنده ورقه
دعوتیه تبلیغ ایتدیرلمکسزین اعتراض استداسنک
ردینه حکم اولتمسی مخالف قانون اولدیغندن بختله
اعلامک تقضی استداسندن ومدعی علیها پنبه
قادینک لایحه جوابیه سی مالی دخی حکم واقع
موافق قانون اولدینی بیانیله اعلامک تصدیقی
طلبندن عبارت بولنشددر .

ایجابی لدی المذاکره اعلام مذکور مطالعه
سندن اکلاشلدینی اوزره دعوی واقعه حقدده
لاحق اولوب علیهنده مرقومان روشن افندی
وحسن طرفلرندن اعتراض اولنان اعلام غیابینک
عیناً ویا خلاصه اعلام تمیزیه به درج و تثیق
اولنامسی ومعتضلردن حسن افدینک کلامسی
اوزرینه غیابنده وکیل مسخر تعیین ایدلسی
یولسز اولدینی کبی اکال محاکمه ضمننده تعیین
اولنان کونده محکمه به کله جکلری حقدده طرفیندن
امضا النوب التمدینی اعلام مذکورده بیان
وتصریح قلنامسی ومایسنک یکرمنجی پنجشنبه

ویریلان اعلامك تمیزی استدا ایدن ازمیرده
میخانه بوغازنده مقیم قصاب استلیو ایله مدعی
علیه ازمیر قصبه سنك عبده اغا محله سنده ساکن
دباغ حاجی احمد افندی یوم معینده داتره به
کدکرندن باش مدعی عمومیلک مأموریت علیه
سنك مطالعه نامه سی التقدنصرکه اصول محاکمه
حقوقیه قانونك ایکوز بکرمی طقوزنجی
ماده سی موجبجه تدقیقات تمیزی اجرا سنه ایتدار
قلندی .

اعلام مذکورك خلاصه مالی مومی الیه
حاجی احمد افندیك امره محرر بر قطعه سنده
موجبجه مرقوم استلیو ذمتده غیراز استیفا
الاجنی اولان بکرمی اوج عدد لیرای عثمانیک
مع قاض و مصارف محاکمه واجرت وکالت تحصیلی
و حکمك موقتاً اجراسنی طلب و دعوی و بر
قطعه سنده ابراز واعطا ایتسنه قارشو عندالحاکمه
مرقوم استلیو دخی مبرز سننده بولنان امضا
کندو امضاسی اولدیفنی بعد الاقرار مندرجانه
کوره کندی اچون اوتوز لیرانك قرق اغاجلی
بورکی به ویرلسی محرر اولوب سنده بدلتک کندی
طرفدن التدیغه داتر بر کونا صراحت بولمده
یقندن ایفاسنه مجبوری اولدیفنی مدافعه بیان

کونه یوم محاکمه تعیین اولندیفنی حالده ماه
مذکورك بکرمی التجی چهارشنبه کونی رد
استدعایه قرار ویرلسی مخالف اصول وقانون
اولوب مستدعی تمیزك بالاده محرر اعتراضانی
دخی بوجهتله متدائر اولهرق موافق نفس الامر
بولدیفنه بناءً اصول محاکمه حقوقیه قانونك
ایکوز اوتوز ایکنجی و ایکوز قرق برنجی
ماده لری موجبجه اعلام مذکورك تقضیه
قانون مزبورك ایکوز قرق دردنچی ماده سی
حکمنه توفیقاً کیفیک یکدن بالرؤیه اعلامه ربطی
ضمننده محکمه مذکوره به اعاده سنه وزیرده
مفراتی مرقوم درتوز اون سکنز یحق غروش
مصارف محاکمه نک ایلروده حقسنز جیقه جق
طرفه رجوع ایتک اوزره اول امرده مستدعی
تمیز روشن افندیکن سنه ۹ تموز سنه ۳۱۰
تاریخنده متفقاً قرار ویرلدی .

ازمیر تجارت محکمه سنندن ۱۵ تشرین ثانی
سنه ۳۱۰ تاریخی و اوجیوز درت عددی الیه

لایحه سنده مندرج نتیجه جوابی حکم واقع موافق
اصول وقانون اولوب اعتراض مذکورك غیر
وارد اولدیفنی بیانیله ردی و اعلامك تصدیق
طلبندن و مطالعه نامه مذکور مندرجاتی دخی
طرفین صفت تجاریه بی حائز اولدیفنی کبی منازع
فیہ اولان سننده دخی تجارته متعلق اولبان جهت
تصریح اولنماش اولسنه مبنی وظیفه حقنده کی
اعتراضك موافق قانون کوریه مدیکی بیاندن
عبارت بولمشدر .

ایجابی مذاکره اولندقدده اول امرده
مستدعی تمیزك وظیفه اعتراضی مطالعه نامه
مذکور وجهله غیر وارد کورینه رک رد
ایدلکدنصرکه اساس مصلحتك تدقیقه کیریشله
کده اعلام مذکورك خلاصه مآله نظراً بده
مدعی علیه بولنان مرقوم استلیو مذکورسنده
کندوسنك اولدیفنی اقرارایدوب مرقوم بورکی به
بدلی اولان اوتوز لیرانك امری موجبجه
ویرلمش اولدیفنی تصدیق ایدر ایسه او حالده
مبلغ مزبورك مدعی علیه دن تحلیصنه حکم اولنق
اقتضا ایدوب بورکی به ویرلدیفنی انکار ایتدیکی
تقدیرده مدعی مومی الیه حاجی احمد افندیك
مبلغ مذکور مرقوم بورکی به ویردیکنی اثبات

وتذکار ایتش ایسنده مومی الیه حاجی احمد
افندیك سند مذکور بورکی به مقبوضنی مبین
امضا وینه اعاده ایتک اوزره طلبیه محکمه دن
بالاخذ بورکی جانبندن زیرینه مرقم شرحده سنده
مذکورك حاوی اولدیفنی اوتوز لیرای مومی الیه
حاجی احمد افندیکن اخذ ایلدیکی محرر ایدوی
اکلاشدقدنصرکه جریان ایدن محاکمه و تدقیقات
نتیجه سنده مومی الیه حاجی احمد افندیك مرقوم
استلیونك امریه مزبور بورکی به اعطا ایلدیکی
اوتوز لیرادن مومی الیه حاجی احمد افندیك
مدعی علیه استلیودن اخذ ایلدیکنی بیان ایتدیکی
بدی لیرانك بالتزیل متباقی بکرمی اوج لیرانك
۲۰ حزیران سنه ۳۱۰ تاریخندن اعتباراً حین
ایفاسنه دکن مع قاض و مصارف محاکمه مرقوم
استلیودن بالتحصیل مومی الیه حاجی احمد افندی به
اعطاسنه و اجرای موقت حقنده کی طلبنک ردینه
قرار ویرلدیکندن و مستدعی تمیزك لایحه سنده
محرر اعتراضاتك باشلوجه سی دعوی واقعه
حقوق عادیه دن منبعث اولدیفنی جهته فصل
ورؤیتی حقوق محکمه سنه عائد اولدیفنی حالده
تجارت محکمه سنجه وظیفه خارجنده اولهرق
فصل ورؤیت ایدلسنی مقار قانون اولدیفندن بحثله
اعلامك تقضی استدا سنندن و مدعی علیه ک

ایتمک و اثباتدن اظهار عجز ایتمدیکی حلاله مدعی
 علیه مرقوم ۳۰۹ یمین و بردیرمک حق درکار بولنش
 اولدیفنه و مؤخرأ مرقوم یورکینک مبلغ مدعا
 بهی الدم دیمه سی و یاخود سندی امضا ایتمی
 مدعی علیه مرقوم استیلویه قارشو معتبر اوله مبه
 جفتندن بودارده اجرای محاکمه اولمق لازم
 کلور ایکن محکمه مذکورده جه بویولده اجرای
 معامله اولنماسی قانونه مغایر کورنش ایدوکنه
 بناء اصول محاکمه حقوقیه قانوننک ایکوز قرق
 برنجی ماده سی موجبجه اعلام مذکورک تقضیه
 قانون مزبورک ایکوز قرق دردنجی ماده سی حکمنه
 توفیقاً کیفیتک صورت مشروحه دائره سنده بالرؤیه
 اعلامه ربطی ضمننده محکمه مذکوریه اعاده سنه
 وزیرده مفرداتی مرقم درتیوز طقوز یحق غروش
 مصارف محاکمه نک ایلروده حقسنز جیه جق
 طرفه رجوع ایتمک اوزره اول امرده مستدعی
 تمیزدن النسنه ۲۳ ایلول سنه ۳۱۱ تاریخنده متفقاً
 قرار ویرلدی .

ایته کول بدایت محکمه سندن کارن اول
 سنه ۳۰۹ تاریخی و درتیوز طقسان ایکی عددی
 ایله صادر اولان اعلامک تمیزی استندا ایدن
 ایته کول قضائنک حمیدیه محله سنده مقیمان روشن
 اوغلی عباس واحدا ایله مدعی علیها محله مذکور
 ردهده سیا کنه پنبه خاتون یوم معینده دائره یه
 کلدکارندن اصول محاکمه حقوقیه قانوننک ایکوز
 یکریمی طقوزنجی ماده سی موجبجه تدقیقات
 تمیزیه اجراسنه ابتدار اولندی .

اعلام مذکورک خلاصه مالی مومی الیها
 پنبه خاتونک ایته کولده حمیدیه محله سنده کاش
 متصرفه اولدینی مع مشتملات خانه سنه مرقومان
 احمد و عباس طرفلرندن واقع اولان مداخله نک
 منعی حقنده اقامه ایلدیکی دعوانک محاکمه سی
 ایچون تعیین اولنان کونده مدعی علیهلرندن احمد
 وکیل و رود ایتمش ایسهده عباس دعوت واقعه یه
 اجابت ایتماش اولدیفندن وکیل مسخر حضوریه
 عباس حقنده غیاباً و دیگر لری ایچون وجاهاً
 جریان ایدن محاکمه مدعی علیهمادن احمد
 وکیلله وکیل مسخر منازع فیه خانینی مدعیه نک
 اذن واجازتیه موکلری زوجی رضوان افندیدن

اشترا ایتمکری و هر تقدیر فراغ رسمی اجرا
 اولنماش ایسهده نمنه محسوب ایدی لیرا تسلیم
 تری اولوب متبایسی ایچونده مزبوره نامنه
 سند و بردکری مدافعه درمیان و شهود شخصیه
 ایله اثبات مدعا ایده جکری اتیان ایتمش
 ایسهده جریان ایدن تدقیقاتده املاک و عقاره
 بیع و شرائک سندانه ربطی لابد اولمسیله بویاده
 شهود شخصیه استماعی غیر جائز اولدیفندن ذکر
 اولنان مدافعه نک ردیه اولبایده اولان تحریرات
 عمومیه و اوامر صادره احکامنه توفیقاً مداخله
 واقعه لرینک منعه و مدعی مزبوره نک زوجیه
 و بردکری مبلغ ایچونده زوج مرقومه مراجعت
 ایتمری لزومه حکمدن و مستدعیلرک اشبو حکم
 علیهنده لایحه لرنده محرر اعتراضاتک خلاصه سی
 منازع فیه خانینی مدعی مزبوره نک اذن واجازتیه
 زوجی رضوان افندیدن اشترا ایتمکرینه دائر
 درمیان و اراده ایلدکری ادعا و صورت نبوتیه نک
 محکمه جه استماع و تدقیق ایدلماش مغایر قانون
 اولدیفندن بخله اعلامک تقضی استندا سندن
 و مدعی علیها نک نتیجه جوابی دخی حکم واقع
 موافق اصول و قانون اولدیفندن اعتراضات
 مسروده نک ردیه اعلامک تصدیق طلبندن
 عبارت بولنشدر .

ایجابی مذاکره اولندقدغه اعلام مذکور
 مندرجاتندن منضم اولدینی اوزره بدایت مدعی
 علیها بولنان عباس احمدک وکیلری منازع فیه
 اولان خانینی موکلری مدعیه نک اذن واجازتیه
 زوجی رضوان صتون الدقربی ادعا واشبو
 دفع دعوالرینی اثبات ایده جکری درمیان ایدرک
 شهود شخصیه استماعی طلب ایتمش اولمیرینه
 نظراً محکمه جه اولبایده شهود استماعیه مدافعه
 واقعه نک موقع نبوته ایصالی و اثباتدن اظهار
 عجز اولدینی صورتده وکیل مسخرک طلبی
 وجهله مزبورک تحلیفی اقتضا ایدر ایکن بویولده
 اجرای معامله اولنفسزین مرقومان طرفندن
 ادعا اولنان بیعک عدم صحته حکم اولنمی و حکم
 واقعک مابه التطبيق اولمان اوامر و محرراته
 تطبیق ایدلمسی مغایر قانون اولدیفنه و مستند
 عیلرک اعتراضی دخی بوجهته متدائر اوله رق
 شایان قبول کورندیکنه بناء اصول محاکمه حقوقیه
 قانوننک ایکوز اوتوز ایکنجی و ایکوز قرق
 برنجی ماده لری موجبجه اعلام مذکورک تقضیه
 قانون مذکورک ایکوز قرق دردنجی ماده سی
 حکمنه توفیقاً کیفیتک صورت مشروحه دائره
 سنده یکیدن بالرؤیه اعلامه ربطی ضمننده محکمه
 مذکوریه اعاده سنه وزیرده مفرداتی مرقم

در تیزوز اوتوز غروش مصارف تمیزیه نك ایلروده
حقسز چیه حق طرفه رجوع ایتك اوزره اول
امرده مستدعی تمیز لردن الخمسنة ۴ مایس
سنه ۳۱۱ تاریخنده اکثریتله قرار ویرلدی .

ملاطیه بدایت محکمه سندن ۲۷ کانون ثانی
سنه ۳۰۹ تاریخی وطقسان التي عددی ایله صادر
اولان اعلامك تمیزی استدا ایدن حصمنصور
قضاسنك قابجامع محله سنده مقیم حاجی محمد ایتمی
وصیسی ملا ابوزر ایله مدعی علیه مالیه خزینة
جلیله سی وکیلی عمر اشرف افندی یوم معینده داتر یه
کلد کلرندن باش مدعی عمومیک مأموریت بهیه
سنك مطالعه نامه سی الذقدن صکره اصول محاکمه
حقوقیه قانوننك ایکوز یکر می طقوزنجی ماده سی
موجبجه تدقیقات تمیزیه اجرا سنه ابتدار
اولندی .

اعلام مذکورک خلاصه مالی مرقوم
ملا ابوزر ایله مالیه خزینة سی بیننده متحدث

یکرمی دنك پنیه عشری دعواسنه دائر حصمنصور
بدایت محکمه سندن صادر اولان اعلامك بالتدقیق
جریان ایدن محاکمه فسخیه منازع فیه اولان
مذکور پنیه ایتام مرقومسه نك مالی اولدیفنی
وصی مرقوم ملا ابوزر وکیلی صبری افندی نام
کسنه ادعا ومدت مهل نظامی ظرفنده اثبات
مدعی ایدم یوب موکلی ملا ابوزر کیفسز بولند
یفی جهته برمدت دها امهال ایدلایکی حالده
اثبات مدعا ایدم جکی بیان وانبا ایتش ایسه ده
وکیل مومی الیهك طلب واقعی شایان قبول
کورلمدیکنه بناء دعوا ی مذکور سیله خزینة
مشار الیهایه بالاینه معارضه دن بعد المنع محجوز
پنیه نك بالفروخت اثماننك حصمنصور قضاسی
مالصندیقته تسلیمنه حکمدن ومستدعی تمیزك
اشبو اعلام علیه نه لایحه سنده محرر باشلوجه
اعتراضی اثبات مدعی ضمننده طلب اولسان
مهلك اعطا ایدلمیه رك اثبات مدعادن اظهار عجز
ایدلمش نظریله باقیله رق برمنوال محرر حکم
اولنسی مغایر قانون اولدیفندن بمثله اعلامك نقضی
استدعا سندن ومدعی علیه خزینة مشار الیه
وکیلنك نتیجه جوابی اعتراضات مذکور نك
واهی اولدیفنی بیانیه ردی وموافق اصول وقانون
اولان اعلامك تصدیق طلبندن ومطالعه نامه

۲۸ تشرین اول سنه ۳۱۱ تاریخنده متفقاً قرار
ویرلدی .

مذکور مندرجاتی دخی مدعینك اثبات مدعی
ایده مامسی حسیله رد دعواسنه قرار ویرلمش
ایسه ده محکمه اثبات مدعی ایدم جکی بیان اولنمش
واصول محاکمه حقوقیه نك سکسان یدنجی ماده سنه
کوره اولیایده مساع قانونی بولنمش اولسنه مبنی
اعتراضات واقعه نك موافق قانون اولدیفنی
بیانندن عبارتدر .

ایجابی مذاکره اولندقدن اعلام مذکور
مندرجاتندن منقهم اولدیفنی اوزره اثبات
مدعی ضمننده شاهد کتورمك اوزره موکلی
بولنان وصینك خسته افندن طولای بر مهل
مناسب دها اعطاسی وصی مرقوم وکیلی طرفندن
طلب ایدلسنه کوره مناسب مهل ویرمك لازم کلور
کن محکمه جه مهل اعطا اولنماسی مغایر قانون اولدیفنه
بناء اصول محاکمه حقوقیه قانوننك ایکوز اوتوز
ایکنجی ماده سی موجبجه اعلام مذکورک نقضنه
وقانون مزبورک ایکوز فرق دردنجی ماده سی
حکمنه توفیقاً کیفیت یکیدن بالرؤیه اعلامه
ربطی ضمننده محکمه مذکوریه اعاده سنه وزیرده
مفرداتی مرقوم در تیزوز طقوزنجی غروش مصارف
تمیزیه نك ایلروده حقسز چیه حق طرفه رجوع
ایتك اوزره اول امرده مستدعی تمیزدن الخمسنة

محکمه استیناف حقوق قسمندن ۲۱ تموز
سنه ۳۱۰ تاریخی ویتش اوج عددی ایله ویریلان
اعلامك تمیزی استدا ایدن غلطده قناطو
زقاعنده بدی نومرولی خانه نك اوجیوز نومرولی
اپارتماننده ساکنه ایران دولتی تبعه سندن
صارنیا قادین وکیلی اوخانس افندی ایله غلطده
قناطو خاندنه مقیم ایتالیا دولتی تبعه سندن متوفی
قناطو ورثه سندن موسیو دا کلاریس وکیلی
کیغورق علیکسانیان افندی یوم معینده داتر یه
کلد کلرندن حاضر بولنان ایران دولتی ترجانی
عمر بك حضورنده ایضاحات شفاهیله لی استماع
قلندقدن صکره تدقیقات تمیزیه اجرا سنه ابتدار
اولندی .

اعلام مذکورک خلاصه مالی مزبوره
صارنیا قادینك زوجی اردن روتزچک دینی

مقابلته مالی ظنیه قانطو ورته سندن مومی
الیهما وکیلی طرفندن اجرا معرفتیه جز ایتد
یریلان معلوم الجنس اموال واشیای بیتیه سی
مزبورہ نک پدری طرفندن جهاز اولق اوزره
کندوسنه ویریلان اچہ ایلہ اشترا اولدیفندن
بجمله جز موضوعک فکئی بک اوغلی بدایت
محکمه سی برنجی حقوق دائرہ سنہ مراجعتہ طلب
ودعوی واشیای محجوزہ کندوسنک اولدیفنه
دائرہ یئندہ بولسان ودرسمادت ایران جنرال
قونسولاتوسندن مصدق برقطه سند ابرازواعطا
ایتمسہ و عند المحاکمہ ورته وکیلی دخی دعوی
واقعه ده طرفین اجنبی اولسی جهتہ رؤیتی
محکمه نک وظیفه سی خارجندہ اولدینی کبی یالکز
مبرز سند زیرندہ کی امضا جانب قونسولا تودن
تصدیق اولنوب بونک مندرجاتہ بر کونه تأتیری
اولدیفندن شهود شخصیه اقامہ سیلہ اثبات مدعا
ایدلسی لزومی مدافعتہ انبا ایلدکن ودرمیان
اولنان وظیفه اعتراضک ردی قرار کیر اوله رق
شخص ثالث صفتیه مدیون مرقوم ارون روتز یچ
داخل دعوی ایدلدکنصکرہ جریان ایدن محاکمات
وتدقیقات نتیجه سنده مستند ادعا اولان مذکور
سندک یالکز امضای قونسولاتو طرفندن تصدیق
اولنوب بونک مندرجاتہ بر کونه شمولی اولد

یغنه واشیای محجوزہ نک صارینا قادینک مالی
اولدینی بیلمدیکنه دائر ورته مومی الیهمایہ
مزبورہ نک یمین تکلیفنه حتی اولدیفنه دائر
ویریلان قرارک عند الاستیناف تصدیقنه حکمدن
ومستدعیہ تمیز صارینا قادینک وکیلی اوخانس
افندیکن اشبو حکم علیهنده کی اعتراضاتک باشلو
جهه سی مؤکله سنک زوجنک مالی ظنیه تحت جزه
النخس اولان اشیای پدری طرفندن ویریلان
اچہ ایلہ مبايعه ایدیلهرک بوجهت برقطه سنده
دخی ربط ایدیلوب جانب قونسولاتویه تصدیق
ایتدیرلش وقانوناً مذکور سندک احکامی مرعی
ومعتبر اوله جنی بدیهی بولمشیکن درجه اولی
محکمه سی تصدیق خصوصنک یالکز امضایہ
منحصر ابدوکنه ذهاب ایلہ مؤکله سنک بر یمین
تکلیفنه حتی اولدیفته دائر ویرمش اولدینی قرارک
عند الاستیناف خلاف قانون اوله رق تصدیق
ایدلسی یولسز ومفسار قانون اولدیفندن بجمله
اعلامک تقضی ومدعی علیهما ورته وکیلی
علیکسانیان افندیکن بوکا قارشو نتیجه اجوبه سی
ایسه اعتراضات مسروده نک واهی وبی اساس
اولدینی بیانیه ردی موافق اصول وقانون اولان
اعلامک تصدیق طلبندن عبارت بولمشدیر

ایجابی مذاکرہ اولدقدہ اعلام مذکور
مطالعہ سندن منقہم اولدینی اوزره دعوانک
وظیفه داخلندہ فصل ورثیت ایدلیدی اکثریتہ
تحت قرارہ التقدنصکرہ اساس ماده نک تدقیقنه
ابتدار ایلہ منازع فیہ اشیانک صاحبہ سی مزبورہ
صارینا قادین اولوب مزبورہ نک مالی اولدینی
دخی ایران جنرال قونسولاتوسندن مصدق مبرز
بیاننامہ مندرجاتندن اکلاشلسمسہ ومذکور
بیاننامہ ده امضانک تصدیق اولمشی مندرجاتی
دخی تصدیق دیمک اولدینی حالده محکمه جه
تصدیق واقعک ورقہ مذکورہ مندرجاتہ شمولی
اولدیفندن بجمله حکم ابتدائیک عند الاستیناف
تصدیق ایدلسی مغایر قانون اولدیفنه ومستدعیہ
وکیلنک اعتراضی دخی بوجهتہ متدائر اوله رق
شایان قبول بولندیفنه بناء اصول محاکمہ حقوقیه
قانوننک ایکوز اونوز ایکنجی ماده سی موجبہ
اعلام مذکورک تقضیه قانون مزبورک ایکوز
قرق دردنجی ماده سی حکمنہ توفیقاً کیفیتک صور
محرره وجہله یکدن اعلامہ ربطی ضمنندہ قسم
مذکورہ اعاده سنہ وزیرده مفرداتی مرقم
اوپوز الی بریحی غروش مصارف تمیزیه نک

ایلروده حقمن چقه حق طرفه رجوع ایتک
اوزره اول امرده مستدعیہ مزبورہ دن الخمسنه
۱۴ اغستوس سنہ ۳۱۱ تاریخندہ ترجان مومی
الیہ حاضر اولدینی حالده متفقاً قرار ویریلهرک
تفہیم قلندی

اعلان

دوات علیہ نک امنیت داخلہ سنی اخلاص
تصدی ایتک جنایتلہ متهم اولوب حال فرارده
بولسان اوزون بویلی آجیق الین و آلا کوزلی
قرال صاج و بیق واورته اغز وچکلی وعن
اصل استانه لی تبعہ دولت علیہ دن انکلیز علی
بک زاده احمد رضا الان الہ کپوریلہ مامش
اولدیفندن اصول محاکمات جزائیہ قانوننک

اوچيوز يتيش برنجی ماده سنه توفيقاً قانونه اطاعتله
محكمه يه كلك اوزره تاريخ اعلاندن اعتباراً جانب
رياستدن فراری مرقومه مجدداً اون كون مهل
ويرلمش اولمقله مدت مذ كوره ظرفنده محكمه يه
كلديكي تقديرده قانونه اطاعت اينماش نظريله
باقيله رق محاكمه غيابيه سي بالا اجرا حقوق
مدنيه دن اسقاط واموالك بجز ايديله چكي و بو
اثناده كندوسنك بر كونه اقامه دعوايه حق
اولميه جنی كبی بولنديفی محلی بيلنلر خبر ويرمه
وبالمله ضابطه عدليه مأمور لرینك مرقومی اخذ
وكرفت اتمكه مجبور بولندقلری بيانيله اعلان
كیفیت اولنور .

۱۹ شباط سنه ۳۱۱

كون كورمنز محله سنده تكيه زقاغنده واقع الی بر
نومرولو اوچيوز طقسان ارشون عرصه اوزرينه
مبنى اوج قاتندن عبارت اونبر اوطه و بر حمام
واخور و اودونلق و ايكي قيو و مشتملات سائرہ يي
حاوی وشهری درتيوز غروش كيرالو اخشاب بر
باب خانه نك ربع حصه شایعه سی لدی المزایده
لیرای عثمانی یوز غروش حسابيله سكر بیک
غروشدن داین مومی الیه عهده سنده تقرر ایتیش
اولديغندن تاریخ اعلاندن اعتباراً اوتوز بركون
ظرفنده یوزده بش ضم ودها زیاده معلومات
المق ایستیانلر درسمادت اعلامات نظامیه اجرا
دائرهنه مراجعت ایلعلری ومدت مذ كوره نك
ختمامندن صكره ضم قبول اولنمیه جنی دائره
مذ كوره دن اعلان اولنور .

۲۲ شباط سنه ۳۱۱

عزتلو محمد نجیب بلك احمد شكری افندی
ذمتده محكوم به الاجنی اولان مبالغ معلومه دن
طوبلانی تحت حجزه النان سلطان احمد جوارنده

(مطبعة عامره ده طبع اولمشدر)